



Pyetjet më të shpeshta

Rreth programit "Kurse para për kolegjin"

Viti Shkollor 2025-2026



5 gjërat kryesore që familjet duhet të dinë

1. Të gjitha familjet që kanë fëmijë të regjistruar në kopsht, në klasën e parë, të dytë, të tretë ose të katërt në një nga shkollat publike të qytetit të Nju Jorkut (NYC public school) (duke përfshirë edhe shkollat charter pjesëmarrëse), kanë të drejtën të marrin pjesë në programin "Kurse para për kolegjin" (Save for College Program), pavarësisht të ardhurave të familjes ose statusit të emigracionit.
2. Nëse kualifikohet, fëmija juaj do të **regjistrohet automatikisht** në program, përveç nëse vendosni të mos merrni pjesë dhe të tërhiqeni.
3. Pas regjistrimit, do të merrni broshurën e mirëseardhjes me informacione se si të aktivizoni llogarinë falas të bursës shkollore të qytetit të Nju Jorkut (NYC Scholarship Account) për fëmijën tuaj, e cila do të ketë një shumë fillestare prej 100 dollarësh nga NYC Kids RISE në emër të fëmijës suaj.
4. Pasi ta aktivizoni atë, mund të ndërmerrni edhe hapa të tjerë themelorë, të njohur si "Gurët e themelit" (Building Blocks), për të fituar shpërblime shtesë.
5. Paratë në llogaritë e bursës shkollore të qytetit të Nju Jorkut (NYC Scholarship Account) mund të përdoren për një sërë shpenzimesh për kolegji ose formim profesional.



1. Çfarë është programi “Kurse para për kolegjin” (Save for College Program) i NYC Kids RISE?

Programi “Kurse para për kolegjin” (Save for College Program) i NYC Kids RISE është një program burse dhe kursimi i krijuar për ta bërë më të lehtë arsimimin në kolegji dhe formimin profesional për të gjithë nxënësit e shkollave publike të qytetit të Nju Jorkut, pavarësisht të ardhurave të familjes ose statusit të tyre të imigracionit.

Duke filluar nga kopshti, çdo fëmijë i regjistruar në shkollat publike të qytetit të Nju Jorkut (duke përfshirë edhe shkollat çarter pjesëmarrëse) përfiton automatikisht në fillim një llogari bursash shkollore të qytetit të Nju Jorkut (NYC Scholarship Account) prej 100 dollarësh për arsimin e tyre të lartë në të ardhmen, përveç nëse prindërit ose kujdestarët e tyre zgjedhin të mos marrin pjesë në programin “Kurse para për kolegjin” (Save for College Program). Familjet mund të përfitojnë shpërblime shtesë për bursa që do të kalojnë në këtë llogari, duke hapur dhe/ose lidhur një llogari kursimi për kolegji dhe karrierë që e zotërojnë në emër të fëmijës së tyre përmes programit. Më pas, familjet mund të fillojnë të kursejnë në mënyra dhe shuma që janë të përshtatshme për rrethanat e tyre financiare. Edhe komunitetet mund të kontribuojnë me fonde shtesë në llogaritë e bursave shkollore të qytetit të Nju Jorkut (NYC Scholarship Account) për grupe nxënësish përmes bursave komunitare, për të treguar mbështetjen e tyre ndaj suksesit të çdo fëmije.

Fondet e grumbulluara në llogaritë e bursave shkollore të qytetit të Nju Jorkut (NYC Scholarship Account) investohen në një llogari të *Planit direkt*¹ (Direct Plan 1) të programit “Kurse para për kolegjin 529” (529 Save for College Program) të qytetit të Nju Jorkut, e cila zotërohet dhe menaxhohet nga NYC Kids RISE, një organizatë jofitimprurëse, në emër të nxënësve pjesëmarrës.

2. Pse u krijua programi “Kurse para për kolegjin” (Save for College Program)?

Të kursesh para për të ardhmen arsimore të një fëmije mund të jetë e vështirë. Për shumë familje, dërgimi i fëmijëve në kolegji mund të duket i paarrtshëm. NYC Kids RISE, në bashkëpunim me qytetin e Nju Jorkut dhe shkollat publike të tij, e nisi programin “Kurse para për kolegjin” (Save for College Program) për t’i ndihmuar familjet të fillojnë të kursejnë dhe të planifikojnë për kolegji dhe formim profesional për fëmijën që në ditën e tij të parë të shkollës. Sipas hulumtimeve konstatohet se fëmijët që kanë një llogari kursimi për kolegji prej 1 deri në 500 dollarë kanë tri herë më shumë gjasa të regjistrohen në kolegji dhe më shumë se katër herë që të diplomohen. Konstatohet gjithashtu se fëmijët që frekuentojnë kolegjin kanë më shumë të ardhura gjatë jetës së tyre dhe kanë më pak gjasa të jenë të papunë.

3. Kush kualifikohet për programin “Kurse para për kolegjin” (Save for College Program)?

Duke filluar nga viti shkollor 2025–2026 (school year 2025-2026), çdo fëmijë në kopsht, në klasën e parë, të dytë, të tretë dhe të katërt, i regjistruar në shkollat publike të Qytetit të Nju Jorkut (duke përfshirë edhe shkollat çarter pjesëmarrëse), mund të marrë pjesë në program, pavarësisht nga të ardhurat ose statusi i imigracionit të familjes.

Çdo fëmijë nga kopshti deri në klasën e pestë në 39 shkollat pilote të Zonës Gjeografike të Distriktit Shkollor 30 (School District 30) është gjithashtu i kualifikuar për pjesëmarrje.

Për të qenë i regjistruar në programin “Kurse para për kolegjin” (Save for College Program) nxënësi duhet të ndjekë një shkollë pjesëmarrëse për të paktën 60 ditë. Nëse keni zgjedhur të mos regjistroheni në program, fëmija juaj i kualifikuar do të regjistrohet automatikisht në këtë program në shtator ose janar.

¹ NYC Kids RISE nuk është i lidhur me programin “Kurse para për kolegjin 529” (529 Save for College Program) të Nju Jorkut dhe as shpërndarës i autorizuar i tij dhe nuk kërkon investime ose jep këshilla për investime. Qyteti i Nju Jorkut dhe Departamenti i Arsimit të qytetit të Nju Jorkut (NYC Department of Education) nuk japin ndonjë mbështetje ose rekomandim dhe nuk kanë kontroll, nuk zotërojnë ose janë të lidhur me Menaxherin e Programit 529 të Nju Jorkut (NY 529 Program Manager) dhe as me produkte investimi për kolegji ose investime të caktuara, përfshirë ato që familjet mund të mësojnë përmes programit “Kurse para për kolegjin” (Save for College Program).

NYC Kids RISE do të krijojë një llogari bursash shkollore të qytetit të Nju Jorkut (NYC Scholarship Account) me një shumë fillestare prej 100 dollarësh në emër të fëmijës suaj.

4. Si të marr pjesë?

Nëse fëmija juaj është i kualifikuar, është shumë e lehtë të filloni me programin “Kurse para për kolegjin” (Save for College Program). Ja, mënyra:

- **Thjesht mos ndërmerrni asnjë veprim** kur të njoftoheni nga shkolla e fëmijës tuaj se ka filluar periudha për të zgjedhur që të mos merrni pjesë (në atë kohë do të merrni informacion mbi mënyrën se si funksionon procesi i mospjesëmarrjes).
- Pasi të përfundojë periudha e zgjedhjes për të mos marrë pjesë, fëmija juaj do të regjistrohet automatikisht në programin “Kurse para për kolegjin” (Save for College Program) dhe NYC Kids RISE do të krijojë një llogari bursash shkollore të qytetit të Nju Jorkut (NYC Scholarship Account), me një shumë fillestare prej 100 dollarësh në emër të fëmijës suaj.
- Do të merrni një **broshurë mirëseardhjeje** nga NYC Kids RISE me informacione dhe udhëzime shtesë. Nëse zgjidhni të merrni pjesë në program në vjeshtë, mund të prisni të aktivizoni llogarinë e fëmijës suaj, duke filluar nga janari i vitit të ardhshëm. (Afati për këtë aktivizim mund të ndryshojë nëse regjistrimi bëhet në një datë të mëvonshme).
- Pasi të merrni broshurën e mirëseardhjes, vizitoni faqen nyckr.org/activate-faq për të **aktivizuar** llogarinë e bursës shkollore nga qytetit i Nju Jorkut (NYC Scholarship Account) për fëmijën tuaj. Pasi të regjistroheni në platformën në internet “Savings Tracker” (Gjurmuesi i kursimeve), do të mund të ndiqni ecurinë dhe bilancin e llogarisë së bursës me kalimin e kohës. Do të informoheni gjithashtu mbi hapat e tjerë kryesorë që duhet të ndërmerrni në kuadër të programit.

5. Si funksionon pjesa e “bursës” e programit “Kurse para për kolegjin” (Save for College Program)?

Pasi fëmija juaj të jetë i regjistruar në program, NYC Kids RISE do të krijojë një llogari bursash

shkollore të qytetit të Nju Jorkut (NYC Scholarship Account) dhe do të transferojë automatikisht 100 dollarë për arsimin e ardhshëm të fëmijës suaj. Prindërit dhe kujdestarët nuk mund të depozitojnë ose të tërheqin nga këto llogari, të cilat mund të përdoren vetëm për shpenzime të pranueshme për arsimin e lartë nga vetë nxënësi pjesëmarrës, pasi të diplomohet. Me kalimin e kohës, NYC Kids RISE do të ofrojë mundësi që familja juaj të fitojë më shumë para për llogarinë e bursës shkollore të fëmijës suaj. Organizatat e komunitetit, bizneset, fqinjët dhe të tjerë gjithashtu mund të kontribuojnë në llogaritë e bursave të grupeve të nxënësve, për të ndihmuar fëmijën tuaj të arrijë qëllimet e tij për kolegji dhe karrierë.

NYC Kids RISE, një organizatë jofitimprurëse, është zotëruesja dhe menaxhuesja e fondeve të bursave në emër të nxënësve pjesëmarrës dhe i investon ato në NY 529 *Direct Plan*, një lloj llogarie investimi e krijuar posaçërisht për të ndihmuar familjet të kursejnë për arsimin e lartë. Llogaritë e bursave shkollore të qytetit të Nju Jorkut (NYC Scholarship Account) mund të fitojnë ose humbasin vlerë me kalimin e kohës, në varësi të tregjeve financiare dhe performancës së investimit.

Nëse jeni prindi ose kujdestari i një fëmije të kualifikuar, për sa kohë që nuk zgjidhni të mos merrni pjesë në program, NYC Kids RISE do të krijojë dhe financojë këtë llogari bursash në emër të fëmijës suaj. Ju do të merrni një broshurë mirëseardhjeje nga NYC Kids RISE kur të krijohet llogaria e bursës së fëmijës suaj.

Për të aktivizuar dhe parë fondet e bursës që mblidhen me kalimin e kohës në llogarinë e bursës së fëmijës suaj:

- Ne **NUK** do t’ju kërkojmë që të depozitoni para.
- Ne **NUK** do t’ju kërkojmë që të jepni numrin e sigurimeve shoqërore (SSN), numrin e identifikimit të tatimpaguesit (ITIN), të dhëna të llogarisë bankare ose të kartës së kreditit.
- Ne **NUK** do t’ju kërkojmë që të jepni informacion mbi gjendjen tuaj ekonomike ose statusin e imigracionit.
- **NUK** kërkohet niveli i të ardhurave maksimale ose minimale për të qenë pjesë e programit

6. Kur mund ta aktivizoj llogarinë falas të bursës shkollore të qytetit të Nju Jorkut (NYC Scholarship Account) për fëmijën tim?

Fëmija im ka filluar së fundmi për herë të parë kopshtin, klasën e 1-rë, të 2-të, të 3-të ose të 4-t në një shkollë publike të qytetit të Nju Jorkut (ose një shkollë çarter pjesëmarrëse) në vjeshtën e vitit 2025

Ju mund ta aktivizoni dhe shikoni llogarinë e bursave shkollore të qytetit të Nju Jorkut (NYC Scholarship Account) për fëmijën tuaj duke filluar nga **janari 2026!** Shkolla juaj dhe NYC Kids RISE do t'ju njoftojnë kur llogaria e fëmijës suaj të jetë gati për t'u aktivizuar.

Nëse keni aktivizuar tashmë një llogari burse shkollore të qyteti të Nju Jorkut (NYC Scholarship Account) për një fëmijë tjetër, mund të hyni sërish në "Savings Tracker" (Gjurmuesi i kursimeve) në nyckr.org/log-in-faq dhe të shtoni fëmijën tuaj tjetër të kualifikuar në janar.



Për momentin, mësoni më shumë rreth programit në nyckr.org/start-faq ose jini pjesë e një seance virtuale në nyckr.org/events-faq.

Fëmija im është aktualisht në klasën e 1-rë, të 2-të, të 3-të ose të 4-t dhe ka ndjekur një shkollë publike të qytetit të Nju Jorkut (ose një shkollë çarter pjesëmarrëse) gjatë 2024-2025

Nëse nuk jeni tërhequr nga programi, fëmija juaj tashmë ka një llogari të bursave shkollore falas të qytetit të Nju Jorkut (NYC Scholarship Account) me një shumë **filestare prej 100 dollaresh** për kolegji dhe formim profesional. Ndiqni hapat më poshtë për ta aktivizuar dhe parë llogarinë si dhe **për të përfituar një shpërblim shtesë prej 25 dollaresh**.



Vizitoni: nyckr.org/register-faq. Vendorsni kodin postar të vendbanimit të fëmijës, datëlindjen dhe numrin e ID-së së nxënësit. Pastaj klikoni "Submit" (Dërgo). Mund të kërkonte ndihmë edhe nga shkolla juaj!

7. Si funksionon pjesa e "kursimeve" e programit "Kurse para për kolegjin" (Save for College Program)?

Pasi fëmija juaj të ketë llogarinë e bursës shkollore të qytetit të Nju Jorkut (NYC Scholarship Account), do të merrni informacione të mëtejshme se si të krijoni një plan kursimi për kolegji dhe karrierë që është i duhuri për ju dhe familjen tuaj. Për të shtuar fondet e investuara në llogarinë e bursës shkollore së fëmijës suaj, mund të hapni dhe/ose të lidhni një llogari kursimi për kolegji dhe karrierë që e zotëroni ju në emër të fëmijës tuaj përmes programit.

Ndryshe nga llogaria e bursës shkollore të qytetit të Nju Jorkut (NYC Scholarship Account), e cila zotërohet dhe menaxhohet nga NYC Kids RISE, llogaria juaj e lidhur zotërohet nga familja juaj. Ju, të afërmit ose miqtë tuaj mund të kontribuoni drejtpërdrejt në këtë llogari. Në varësi të llojit të llogarisë së kursimeve që zgjidhni, familja juaj mund të ndjekë bilancin e vet të kursimeve së bashku me llogarinë e bursës shkollore së fëmijës, përmes platformës virtuale "Gjurmuesi i kursimeve" (Savings Tracker) i NYC Kids RISE.

Mësoni rreth opsioneve për llogaritë e kursimit, duke vizituar faqen nyckr.org/options-faq; duke marrë pjesë në një seancë virtuale të NYC Kids RISE në nyckr.org/events-faq; duke telefonuar në linjën tonë të ndihmës në nr. 833-KID-RISE (833-543-7473); duke na shkruar në info@nyckidsrise.org ose duke rezervuar një takim për të biseduar me një përfaqësues të NYC Kids RISE.

Gjithashtu, mund të rezervoni një takim për konsulencë financiare falas në një nga Qendrat e Fuqizimit Financiar (Financial Empowerment Center) të qytetit të Nju Jorkut. Rezervoni takim në: nyc.gov/talkmoney.

8. Për çfarë mund të përdoren paratë në llogarinë e bursës shkollore të qytetit të Nju Jorkut (NYC Scholarship Account)?

Paratë në këtë llogari investohen në NY 529 *Direct Plan* dhe mund të përdoren për një sërë shpenzimesh të pranueshme të arsimit të lartë. Edhe pse llogaria 529 quhet llogari kursimi për kolegji, ajo mund të përdoret për shpenzime të pranueshme të arsimit të lartë në çdo institucion pjesëmarrës në SHBA dhe jashtë saj. Përveç kolegjeve dhe universiteteve tradicionale katërvjeçare, institucione të tjera të pranueshme përfshijnë: kolegjet komunitare, shkollat profesionale dhe teknike, programet e kualifikuara të praktikës së punës si dhe ato virtuale të diplomave. Fondet e bursës mund të përdoren për tarifën e shkollimit, tarifën e tjera akademike, pajisjet, disa shpenzime për strehim dhe ushqim dhe madje edhe për libra, të cilët shpesh nuk mbulohen nga bursa të tjera. Për një listë të plotë të shpenzimeve të pranueshme për arsimin e lartë, vizitoni: nysaves.org.

Nëse një nxënës nuk i përdor fondet e llogarisë së bursës shkollore të qytetit të Nju Jorkut (NYC Scholarship Account) brenda 20 viteve nga përfundimi i kopshtit, fondet i kthehen NYC Kids RISE për të mbështetur nxënës të tjerë të ardhshëm në programin “Kurse para për kolegjin” (Save for College Program).

Paratë në këtë llogari nuk mund të përdoren për asnjë shpenzim nga kopshti deri në klasën e 12-të, përfshirë edhe ato që janë të pranueshme sipas ligjit federal.

9. Nëse nuk tërhiqem, çfarë informacioni merr NYC Kids RISE për mua dhe fëmijën tim për të regjistruar fëmijën në programin “Kurse para për kolegjin” (Save for College Program)?

NYC Kids RISE merr informacionin e mëposhtëm nga shkollat publike të qytetit të Nju Jorkut për çdo nxënës pjesëmarrës:

- Numrin e identifikimit të nxënësit që është unik për programin;
- Emrin dhe mbiemrin e nxënësit;
- Datëlindjen e nxënësit;
- Adresën e banimit të nxënësit;
- Nëse ndryshon adresa e banimit të nxënësit;
- Numrin e telefonit të shtëpisë të nxënësit;
- Emrin e shkollës së nxënësit;
- Klasën aktuale të nxënësit;
- Gjuha(ët) që flitet(n) në shtëpinë e nxënësit;
- Nëse nxënësi është transferuar në ndonjë shkollë tjetër, brenda ose jashtë sistemit të shkollave publike të qytetit të Nju Jorkut.

NYC Kids RISE merr gjithashtu informacion për një ose të dy prindërit ose kujdestarë ligjorë për çdo nxënës pjesëmarrës si:

- Numrin e identifikimit të prindit, unik për programin;
- Emrin dhe mbiemrin e prindit ose kujdestarit;
- Adresën e emailit të prindit ose kujdestarit;
- Numrin e celularit dhe/ose të ndonjë numri tjetër.

Ky informacion është i ngjashëm me të dhënat që jepni në “kartën blu” (“blue card”) kur regjistroni fëmijën në shkollë. Këto të dhëna i mundësojnë NYC Kids RISE të krijojë llogarinë e bursës shkollore të qytetit të Nju Jorkut (NYC Scholarship Account) për çdo fëmijë pjesëmarrës, si dhe të caktojë shumën fillestare prej 100 dollarësh për secilin. NYC Kids RISE ndjek udhëzime të rrepta për ruajtjen e privatësisë dhe konfidencialitetit të dhënave të familjeve.

10. Po nëse nuk dëshiroj të marr pjesë?

Për t'i treguar shkollës suaj që nuk dëshironi që fëmija juaj të marrë pjesë në programin "Kurse para për kolegjin" (Save for College Program), duhet të dorëzoni një formular të nënshkruar për mospjesëmarrje ose përmes llogarisë suaj të bursës shkollë të qytetit të Nju Jorkut brenda 30 ditësh. Nëse ndërmerrni një nga këto hapa, fëmija juaj nuk do të ketë një llogari të bursës shkollë të qytetit të Nju Jorkut (NYC Scholarship Account), investimin fillestar prej 100 dollarësh, ose fonde në të ardhmen. Për më shumë hollësi, ju lutemi referojuni formularit të mospjesëmarrjes së fëmijës suaj ose vizitoni: nyckr.org/NYCPS.

11. Nëse nuk dua të marr pjesë tani në programin "Kurse para për kolegjin" (Save for College Program), a mund ta regjistroj fëmijën tim më vonë?

Po. Prindërit ose kujdestarët që kanë zgjedhur të mos marrin pjesë, por më vonë ndryshojnë mendim, mund ta regjistrojnë fëmijën e tyre sërish në një datë të mëvonshme. Familjet kanë afat që ta regjistrojnë sërish fëmijën e tyre deri në fund të klasës së pestë. Për më shumë informacione specifike, vizitoni: nyckr.org/NYCPS.

12. A mund ta anuloj pjesëmarrjen e fëmijës tim në programin "Kurse para për kolegjin" (Save for College Program) pas afatit të njoftimit për mospjesëmarrje?

Po. Ju mund të anuloni pjesëmarrjen e fëmijës tuaj edhe pasi të jetë regjistruar fillimisht. Për udhëzime specifike, vizitoni: nyckr.org/NYCPS.

13. Si ndikon statusi im i emigracionit për të marrë pjesë në program?

Nuk ndikon! Të gjithë nxënësit e kualifikuar mund të marrin pjesë në programin "Kurse para për kolegjin" (Save for College Program) pavarësisht statusit të emigracionit.

Familjet **nuk** kanë nevojë të japin numrin e sigurimeve shoqërore (SSN) ose numrin individual të identifikimit tatimor (ITIN) që fëmija i tyre të regjistrohet në program dhe të përfitojë një llogari bursash nga qyteti i Nju Jorkut (NYC Scholarship Account).

Megjithatë, nëse keni ndërmend të hapni një llogari kursimi për kolegji dhe karrierë që ju e zotëroni në emër të fëmijës, për të kursyer përkrah llogarisë së bursës shkollë të qytetit të Nju Jorkut (NYC Scholarship Account), ju lutemi vini re se për hapjen e kësaj llogarie kërkohet numri SSN ose ITIN. Për më tepër, nëse vendosni të hapni dhe lidhni një NY 529 Direct Plan si opsion llogarie kursimi, duhet të respektoni përkufizimin e Shërbimit të Ardhurave të Brendshme (Internal Revenue Service, IRS) për qytetarët amerikanë ose banorët e përhershëm, që është dhënia e një adrese të verifikuar në SHBA.

Nuk është e nevojshme të hapni një llogari personale tuajën që fëmija të ketë llogarinë falas të bursës, e cila krijohet dhe menaxhohet nga NYC Kids RISE në emër të fëmijës.

14. Si ndikon zotërimi i një llogarie bursash shkollë të qytetit të Nju Jorkut (NYC Scholarship Account) në kualifikimin për fonde publike?

Duke qenë se llogaritë e bursave shkollë të qytetit të Nju Jorkut (NYC Scholarship Account) zotërohen dhe menaxhohen nga NYC Kids RISE, zotërimi i kësaj llogarie **nuk** ndikon që një nxënës ose familje të aplikojë për fonde publike. Nëse një familje kursen para në llogarinë e saj të kursimeve për kolegji dhe karrierë, ai aset mund të ndikojë në disa përfitime të caktuara. Për më shumë informacion se si kontributet në llogarinë tuaj të kursimeve për kolegji dhe karrierë mund të ndikojnë në përfitimet tuaja, vizitoni: nyckr.org/infomaterials-faq dhe për më shumë informacion, shkarkoni fletëpalosjen programi "Kurse para për kolegjin dhe përfitimet nga fondet publike" ("The Save for College Program and Public Benefits").

15. Si ndikon zotërimi i një llogarie bursash shkollore të qytetit të Nju Jorkut (NYC Scholarship Account) në kualifikimin për ndihmë financiare?

Duke qenë se llogaritë e bursave shkollore të qytetit të Nju Jorkut (NYC Scholarship Account) zotërohen dhe menaxhohen nga NYC Kids RISE, zotërimi i një llogarie **nuk** ndikon në të drejtën e një nxënësi për të marrë ndihmë financiare, ndërkohë që paratë janë në llogari. Ndërsa fëmija juaj i afrohet kolegjit ose formimit profesional, NYC Kids RISE do të ofrojë më shumë informacion mbi mënyrën se si përdorimi i fondeve të llogarisë së bursës për arsimin e fëmijës tuaj mund të ndikojë ose jo në të drejtën për ndihmë financiare, pasi këto para të jenë shpenzuar. Mund të ndikojë ose jo.

Nëse një familje kursen para në llogarinë e saj të kursimeve për kolegji dhe karrierë, këto kursime mund të ndikojnë në paketën e ndihmës financiare të studentit. Për më shumë informacion mbi mënyrën se si kontributi në llogarinë tuaj të kursimeve për kolegji dhe karrierë mund të ndikojë në të drejtën e nxënësit për ndihmë financiare sipas rregullave aktuale të ndihmës financiare, vizitoni: nyckr.org/infomaterials-faq dhe për më shumë informacion, shkarkoni broshurën e programit “Kurse para për kolegjin dhe ndikimi në ndihmën e ardhshme financiare” (“The Save for College Program and Impact on Future Financial Aid”). Vini re se këto rregulla për ndihmën financiare ndryshojnë shpesh me kalimin e kohës.

16. A do ta pengojë kjo bursë fëmijën tim të marrë bursa të tjera në të ardhmen?

Zotërimi i një llogarie të bursës shkollore të qytetit të Nju Jorkut (NYC Scholarship Account) dhe përfitimi i një bursë(ave) komunitare përmes programit “Kurse para për kolegjin” (Save for College Program) të NYC Kids RISE nuk duhet ta pengojë fëmijën tuaj të përfitojë bursa të tjera nga programe ose organizata të tjera në të ardhmen. Megjithatë kjo mund të varet nga kushtet e atyre bursave të tjera. Ju lutemi, lexoni me kujdes kushtet e atyre bursave.

17. Po nëse fëmija im nuk frekuenton kolegjin?

Zotërimi i një llogarie të bursës shkollore të qytetit të Nju Jorkut (NYC Scholarship Account) dhe përfitimi i një bursë(ave) komunitare përmes programit “Kurse para për kolegjin” (Save for College Program) të NYC Kids RISE nuk duhet ta pengojë fëmijën tuaj të përfitojë bursa të tjera nga programe ose organizata të tjera në të ardhmen. Megjithatë kjo mund të varet nga kushtet e atyre bursave të tjera. Ju lutemi, lexoni me kujdes kushtet e atyre bursave.

MËSONI MË SHUMË: Flisni me drejtuesit e shkollës së fëmijës suaj ose kontaktoni NYC Kids RISE në nr. 833-543-7473; dërgoni email në info@nyckidsrise.org; ose vizitoni: nyckidsrise.org.

NYC Kids RISE është një organizatë jofitimprurëse që bashkëpunon me qytetin e Nju Jorkut dhe shkollat publike të tij (Departamentin e Arsimit i Qytetit të Nju Jorkut (NYC Department of Education)) për të menaxhuar programin “Kurse para për kolegjin” (Save for College Program).

Programi “Kurse para për kolegjin” (Save for College Program) i NYC Kids RISE është një program bursë dhe kursimesh i administruar nga NYC Kids RISE Inc., një organizatë jofitimprurëse, në bashkëpunim me Departamentin e Arsimit të Qytetit të Nju Jorkut (NYC Department of Education) dhe qytetit të Nju Jorkut.

NYC
KiDS RiSE™
Save for College
Program

nyckidsrise.org



info@nyckidsrise.org
833-543-7473

@nyckidsrise

